

Pisortani Digitalimik Allakkerinermut ilanngunnermit inunnik pisussaajunnaarsitsineq pillugu Namminersorlutik Oqartussat nalunaarutaat

Pisortani Digitalimik Allakkerineq pillugu Inatsisartut inatsisaat nr. 14, 8. juni 2017-imeersumi § 10, imm. 1 aamma 2, § 11, imm. 2 aamma § 17, imm. 2 naapertorlugit aalajangersarneqarput:

Kapitali 1

Atuuffia il. il.

§ 1. Kapitali 2-mi malittarisassat malillugit inuit ataasiakkaat Pisortani Digitalimik Allakkerinermut ilanngunnissamut pisussaajunnaarsinneqarsinnaapput.

Imm. 2. Kommunimut takkunnermi inuit ataasiakkaat inuup allat allakkanik atuarsinnaanerani pisinnaatitsineq nalunaarummi atuuffeqartinneqarpoq, tak. § 10.

Imm. 3. Inuup toqukkut qimagunnerani Pisortani Digitalimik Allakkerinerup imarisaasa nungutissinnaaneri nalunaarummi atuuffeqartinneqarpoq.

Kapitali 2

Pisortani Digitalimik Allakkerinermut inuit ataasiakkaat ilanngunnerinit pisussaajunnaarsitsineq

Pisussaajunnaarsitsinissamut piumasaqaatit

§ 2. Inuk Pisortani Digitalimik Allakkerinermut ilanngunnissamut pisussaajunnaarsinneqarsinnaavoq pineqartup pisussaajunnaarsinneqarnissamut tunngavilersuutit ikinnerpaamik tullinnguuttuni ataatsimi ilaalluni uppersaasermigut atsiorsimaguni:

- 1) 1. januar 1951 sioqqullugu inunngorsimalluni.
- 2) Eqqarsarsinnaassutsikkut imaluunniit timikkut piginnaasat annikillisasut kingunerisaanillu Pisortani Digitalimik Allakkerinermik atuisinnaajunnaarsimalluni.
- 3) Angerlarsimaffimmi, sumiiffimmi imaluunniit suliffimmi qarasaasiamut imaluunniit elektronikkikkut atortorissarutitut allanut internetimut attaveqartitsisumut periarfissaqanngikkuni.
- 4) Nuussimasutut imaluunniit Kalaallit Nunaanniit allanut nuussimasutut Inuit qitiusumik nalunaarsorsimaffianni (CPR) taamatut nalunaarsorsimaguni.
- 5) Pineqartoq Kalaallit Nunaanni aalajangersimasumik najugaqartutut imaluunniit aalajangersimasumik tamaaniittutut nalunaarsorsimajunnaarsimaguni, tak. Inuit qitiusumik nalunaarsorsimaffiat pillugu nalunaarummi § 6, imm. 1 aamma 2, kisianni Kalaallit Nunaanni aalajangersimasumik najugaqanngitsutut

nalunaarsorsimaguni, tak. Inuit qitiusumik nalunaarsorsimaffiat pillugu nalunaarummi § 6, imm. 4.

6) Pineqartuq oqaatsitigut kalaallisoorsinnaannginnermigut, danskisoorsinnaannginnermigut tuluttoorsinnaannginnermigullu Pisortani Digitalimiik Allakkerinnermik atuinnissamut ajornakusoortitsisumik aporfeqaruni.

7) Pineqartup atsiornermik digitaliusumik pissarsinissaq ajornakusoortikkuniuk, assersuutigalugu danskit aallartitaqarfiani NemID-mik tunniussiffiusinnaasumut ungasissumi nunani allamiinneq peqqutaalluni.

8) Pineqartup najugaqarfia internetimut attaveqarfiunngippat.

Pisussaajunnaarsinneqarnissamik qinnuteqarneq

§ 3. Pisussaajunnaarsinneqarnissamik qinnuteqarusuttoq kommunimut inuit allattorsimaffiat malillugu nalunaarsorsimaffigisaminut imaluunniit kingullermik nalunaarsorsimaffigisimasaminut saaffiginnissuteqassaaq.

Imm. 2. Inuk inuit aqqinik allattorsimaffiani kommunit agguataarnerisa avataaniittoq allakkamik imaluunniit sullissivik.gl-ikkut digitalimik nassiussinikkut Digitalimik Sullissinnermut Aqutsisoqarfimmut saaffiginnissaaq, tak. § 4.

Imm. 3. Qinnuteqaat ilanngussaq 1-imi pisussaajunnaarsinneqarnissamik qinnuteqaammut immersugassatut takutinneqartumi tunniunneqassaaq.

Imm. 4. Inuit pisussaajunnaarsinneqarnissamik qinnuteqarnermut atatillugu kinaassutsimut uppersaataat assitalik atuuttoq takutissavaat, taamaattoq tak. imm. 5. Kinaassutsimut uppersaataat atuuttut makkuupput:

1) Biilernerimut allagartaq nunami EU/EØS-imi, Kalaallit Nunaanni imaluunniit Savalimmiuni atulersinneqarsimasooq.

2) Pas-i inuup pineqartup nunagisaani pisortatut oqartussaasuni atulersinneqarsimasooq.

3) Forsvaret-ip kinaassutsimut uppersaataat Danmarkimi atulersinneqarsimasooq.

4) NATO-pas-i.

5) Politiit kinaassutsimut uppersaataat Danmarkimi atulersinneqarsimasooq.

6) Najugaqarnissamik akuersissut imaluunniit najugaqarnissamik allagartaq assitalik Danmarkimi atulersinneqarsimasooq.

7) Danskit aningaaserviani kinaassutsimut uppersaataat.

8) Nuna tamakkerlugu kinaassutsimut uppersaataat assitalik pineqartup nunaani pisortatut oqartussaaffeqarfinni atulersinneqarsimasooq, aamma nunani Schengenimi angalanermi uppersaataatit atornerqarsinnaasooq.

Imm. 5. Inuup pisussaajunnaarsinneqarnissamik qinnuteqartup normua kinaassutsimut uppersaataatit assimi ilaannngippat, kinaassutsimut uppersaataatit assitalip saniatigut kinaassutsimut uppersaataat alla inuup normuanik takussutissartalik takutinneqassaaq.

Imm. 6. Kinaassutsimut uppersaataat assitalik takutissinnaanngikkaanni, kinaassutsimut uppersaataatit assigiinngitsut marluk nassarneqassapput, aappaani pineqartup inuttut normua takunerqarsinnaassalluni. Kinaassutsimut uppersaataat tassaasinnaavoq:

1) Najugaqarnerimut uppersaataat.

2) Kuisinnerimut allagartaq imaluunniit atinut uppersaataat.

3) Akileraartarnerimut Aqutsisoqarfimmiit ukiumut ukiumoortumik nalunaarusiaq kingulleq imaluunniit

siumoortumik nalunaarusiaq.

4) Pisortanit ikiorsiissutininik pisartagaqarnermut uppersarsaat nutaannginneq qaammatini pingasuni pisoqaassuseqassaaq.

Pisinnaatitsilluni pisussaajunnaarsinneqarnissamik qinnuteqarneq

§ 4. Inuk pineqartuq pisussaajunnaarsitsinermit qinnuteqaammut immersugassatut ilanngussaq 1-imi takutinneqartumi inuup pisussaajunnaarsitsinermit (pinnaatitsisup) qinnuteqartuq sinnerlugu pisussaajunnaarsitsinermit pinnaatinneqarnermigut qinnuteqaateqarsinnaavoq. Immersugassaq pinnaatitsisumit atsiorneqarsimassaaq, matumani pinnaatitsinermit uppersarsaat immersugassamiittoq pinnaatitsisup atsiorsimassavaattaaq.

Imm. 2. Pinnaatinneqartuq pinnaatitsisup CPR-imi najugaqartutut nalunaarsorsimaffigisaani imaluunniit nalunaarsorsimaffigisimasaani kingullermi kommunimut takkunermigut pisussaajunnaarsitsinermit qinnuteqaat tunniutissavaa.

Imm. 3. Pinnaatinneqartuq kinaassutsimut uppersarsaammik takutitsissaaq, tak. § 3, imm. 4-6, kiisalu pinnaatitsisoq sinnerlugu pinnaatinneqarnini uppersarsaat atsiorsimasaq nassassallugu. Pisussaajunnaarsinneqarnissamut noqqaassummut immersuiffissaq ilanngussaq 1-imi takuneqarsinnaasutut pinnaatitsineq tunniunneqassaaq. Inatsisit naapertorlugit ingerlatsivik pinnaatinneqarsimaguni, pinnaatinneqarluni takkuttoq inatsisit naapertorlugit ingerlatsivimmeersuunini uppersarsassavaa, assersuutigalugu inatsisit naapertorlugit ingerlatsivimmut isissutini atorlugu.

Imm. 4. Pisussaajunnaarsitsinermit qinnuteqarneq sullissivik.gl-ikkut digitalimik pinnaavoq. Qinnuteqarneq digitalimik pissappat, qinnuteqartitsisup nammeneq digitalimik atsiornini atorlugu kinaassutsini uppersarsassavaa. Qinnuteqartitsisoq inatsisit naapertorlugit ingerlatsiviuppat, inatsisit naapertorlugit ingerlatsiviup sulisumi digitalimik atsiornera atorlugu kinaassutsimik uppersarsaasoqassaaq.

Imm. 5. Inuk inuunermi tamaat nukillaangalersimanini imaluunniit assingisaanik inissisimalersimanini pequtigalugu nammeneerluni takkussinnaanngikkuni aamma pinnaatitsisinnaanngikkuni, pisussaajunnaarsitsinermit uppersarsaammik atsiornertaqanngitsumik pisussaajunnaarsitsinermit kommunalbestyrelsi aalajangiisinnaavoq. Aalajangiineq pineqartup inissisimaneranik kommunip ilisimasaqarfiginera tunngavigalugu aalajangiisoqassaaq.

Imm. 6. Inuk pinerluttulerinermi isumaginnittoqarfiup inissiisarfiisa ilaaniinnera pequtigalugu takkussinnaanngikkuni aamma pinnaatitsisinnaanngikkuni, Kalaallit Nunaanni pinerluttulerinermi isumaginnittoqarfik inuk sinnerlugu pisussaajunnaarsitsinermit qinnuteqarsinnaavoq, tak. § 2. Qinnuteqaat kommunalbestyrelsip innersuussineratigut digitaliusumik imaluunniit allakkatigut kommunimut pineqartup inuit allattorsimaffiat malillugu nalunaarsorsimaffigisaanut imaluunniit kingullermik nalunaarsorsimaffigisimasaanut tunniunneqassaaq.

Pisussaajunnaarsitsineq pillugu aalajangiineq

§ 5. Qinnuteqaatitut tunniunneqartuq kinaassutsimullu uppersarsaatitut takutinneqartuq tunngavigalugu pisussaajunnaarsitsinermit kommunalbestyrelsi aamma Digitalimik Sullissinermit

Aqutsisoqarfik aalajangiissapput, tak. § 3, imm. 1 aamma 2.

Imm. 2. Aalajangiinissaq pitinnagu sukumiisumik naliliisoqareerneratigut inuup Pisortani Digitalimik Allakkerinermi allagarsiassani pillugit pisussaajunnaarsitsinissaq pinnagu tigusinnaaniassammagit kommunalbestyrelsi aamma Digitalimik Sullissinermut Aqutsisoqarfik ikiuullutillu ilitsersuissapput, tak. § 3, imm. 1 aamma 2.

Imm. 3. Pisussaajunnaarsitsineq Pisortani Digitalimik Allakkerinermi nalunaarsorneqassaaq.

Imm. 4. Pisussaajunnaarsitsinermut piumasaqaatit naammassineqanngippata, pisussaajunnaarsitsinermut qinnuteqaatip itigartitsissutigineqarnera qinnuteqartumut nalunaarutigineqassaaq.

Imm. 5. Imm. 4 malillugu aalajangiinerit allaffissornikkut oqartussaqaqfinnut allanut ingerlateqqinneqarsinnaanngillat.

§ 6. Pisussaajunnaarsitsineq ullormit nalunaarsuiffimmit piffissalernerneqanngitsumik atuutissaaq.

Kapitali 3

Allagarsiat ammarneqanngitsut

§ 7. Inuup digitalimik allakkeriviani allagarsiat ammarneqanngitsut annertussusaat kommunalbestyrelsimut paasissutissiissutigeqqusinnaavai. Pineqartup imaluunniit pisinnaatinneqartup ammartuineri najuunnissaq piumasarisinnaavaa. Pineqartup kommunalbestyrelsip pisinnaatinneqarnissaa kissaatiginngippagu digitalimik allakkerivimmi allagarsiat ammarneqanngitsut kommunalbestyrelsimut paasissutissiissutigineqarsinnaanngillat.

Imm. 2. Inuup imaluunniit taassuma pisinnaatitaata taamaattoqassasoq kissaatigippagu, allagarsiat ammarneqanngitsut pineqartup inuit allattorsimaffiat malillugu najugaanut nassiunneqassasut kommunalbestyrelsip isumagissavaa.

Imm. 3. Digitalimik Sullissinermut Aqutsisoqarfik imm. 1-imi aamma 2-mi aalangersarneqartutut kommunip agguataarneqarnerata avataani inuit aqqisa allattorsimaffianni inunnut allagarsiat ammarneqanngitsut pillugit isumagissavaat.

Allagarsiat inunnut Pisortani Digitalimik Allakkerinermut ilanngussimanngitsunut

§ 8. Inuk pisussaajunnaarsinneqarsimappat imaluunniit Pisortani Digitalimik Allakkerinermut allatigut ilanngussimanngippat, nassiussisup allagarsiat pappialanngorlugit imaluunniit allatigut pineqartumut nassiunneqarnissai isumagissavai.

Kapitali 4

Inunnik Pisortani Digitalimik Allakkerinermut ilanngussimanngitsunik nammineq piumassutsimik ilanngunneq

§ 9. Pisortani Digitalimik Allakkerinermut pinngitsoorani ilanngunnissamut pisussaajunnaarsinneqartuq Pisortani Digitalimik Allakkerinermut atsiorneq digitaliusoq atorlugu iseriarluni nammineq piumassutsimik ilanngunermigut ilanngussinnaavoq.

Imm. 2. Inuup ilanngunnera imm. 1 malillugu pisussaajunnaarsitsinneqarnera atorunnaarsinneqassaaq.

Imm. 3. Pineqartup nammineq piumassutsimik ilanngunnermi kingorna pisussaajunnaarsinneqarnissamik kissaateqaleruni, pisussaajunnaarsitsinermut qinnuteqaat nutaaq nassiuteqqissavaa. Qinnuteqaat tunniunneqassaaq taavalu §§ 2-6-imi malittarisassat malillugit suliarineqassalluni.

Kapitali 5

Inuup allap allakkanik atuarsinnaanerani pisinnaatitsineq

§ 10. Inuk Pisortani Digitalimik Allakkerinermut ilanngussimasut inuup inuit allattorsimaffianni nalunaarsorsimaneq malillugu kommunerisaanut imaluunniit kingullermik kommunerisaanut saaffiginnissuteqarnikkut inuit imaluunniit inatsisit naapertorlugit ingerlatsiviit Pisortani Digitalimik Allakkerinermut imaluunniit tassanngaanniit nassiunneqartut atuarsinnaanerani akuersinnaapput.

Imm. 2. Inuit kommunip agguataarneqarnerisa avataaniittut Pisortani Digitalimik Allakkerinermut ilanngussimasut Digitalimik Sullissinermut Aqutsisoqarfimmut saaffiginnissuteqarnermikkut Pisortani Digitalimik Allakkerinermi pineqartumut aamma pineqartumit allakkanik nassiussani inummut allamut imaluunniit inatsisit naapertorlugit ingerlatsivinnut atuarsinnaanermik pisinnaatitsisinaapput.

Imm. 3. Inuup atuarsinnaanermut akuerisaasup § 3-mi allaqqasut malillugit kinaassutsimut uppersaammik takutissaaq. Atuarsinnaanermik akuerineqartup aqqa aamma inuttut normua imaluunniit inatsisit naapertorlugit ingerlatsiviup aqqa aamma CVR-normua pineqartup paasissutissiisutigissava.

Imm. 4. Inuup pisinnaatitsinermigut kommunimut ornigutsitsilluni orniguttoq imaluunniit inatsisit naapertorlugit ingerlatsivimmeersoq atuarsinnaanermut akuerisinaavaa. Takkuttup pisinnaatinneqarni kiisalu kinaassutsimut uppersaatini § 3-mi allaqqasut malillugit takutissavai. Inatsisit naapertorlugit ingerlatsivik pisinnaatinneqarsimaguni, pisinnaatinneqarluni takkuttoq inatsisit naapertorlugit ingerlatsivimmeersuunini uppersassavaa, inatsisit naapertorlugit ingerlatsivimmut isissutini atorlugu. Pisinnaatitsineq ilanngussaq 2-mi immersugassamut innersuunneqartumi atuarsinnaanermut akuerineqarneq pillugu tunniunneqarsinnaavoq. Pisinnaatitsinermut uppersaatitut takutinneqartup atorneqarnera pinnagu kommunalbestyrelsi allatut takutitsilluni pisinnaatitsineq akuerisinaavaa.

Imm. 5. Atuarsinnaanermut akuersissut imm. 1 malillugu inunnut imaluunniit inatsisit naapertorlugit ingerlatsivinnut assigiinngitsunut tunniunneqarsinnaavoq. Taamaattoq atuarsinnaanermut akuersissutit amerlanerpaamik 10-t nalunaarsorneqarsinnaapput.

Imm. 6. Atuarsinnaanermut akuersissut Pisortani Digitalimik Allakkerinermi elektronikkimik nalunaarsorneqassaaq atuutissarlu utertinneqarnissaata imaluunniit peerneqarnissaata tungaanut tak. imm. 6.

Imm. 7. Atuarsinnaanermut akuersissummik tunniussisoq, tak. imm. 1, kommunimut takkulluni qaqugukkulluunniit akuersissut taanna utertissinaavaa kinaassutsimullu uppersaat takutissallugu § 3-mi allaqqasut naapertorlugit, imaluunniit pineqartup nammineerluni Pisortani Digitalimik Allakkerinermut iseriarluni atsiorneq digitaliusoq atorlugu atuarsinnaanermut akuersissut peersinnaallugu. Inuup allap takkulluni pisinnaatinneqarnerminullu akuersissummik kiisalu kinaassutsimut uppersaammik § 3-mi allaqqasut naapertorlugit takutitsilluni atuarsinnaanermut akuersissut utertissinaavaa. Utertitsineq Pisortani Digitalimik Allakkerinermi elektronikkikkut nalunaarsorneqassaaq.

Imm. 8. Atuarsinnaanermut akuersissummik tunineqartup digitalimik allakkerinermi atuarsinnaallunilu

aaqqissuussisinnaavoq, matumani digitalimik mappit ilanngullugit.

Imm. 9. Atuarsinnaanermut akuersissummik tunineqartup atuarsinnaanermut akuersissut pineqartumut tunniunneqartoq naapertorlugu peersinnaavaa.

Imm. 10. Atuarsinnaanermut akuersissut inatsisit naapertorlugit ingerlatsivinnut tunniunneqartoq imaappaataq, inatsisit naapertorlugit ingerlatsiviup toqqassavaa atuarsinnaanermut akuersissut inatsisit naapertorlugit ingerlatsivimmi inummut imaluunniit inunnut Pisortani Digitalimik Allakkerinermi digitalimik allakkerivimmik akuerisaasutut atuisinnaasunut tamanut tunniutissanerlugu.

Imm. 11. Inuup atuarsinnaanermut akuersissut allamut tunniussimagaluarpaguluunniit, digitalimik allakkerineq atuarsinnaanermut akuersissummik tunniussisumut apuussimasutut isigineqassaaq. Inuup pineqartup digitalimik allakkerinermi atuarsinnaanermut akuersissut kimut tunniutissanerlugu nammineq akisussaaffigivaa.

Kapitali 6

Pisortani Digitalimik Allakkerinermi allagarsianik piiaaneq

§ 11. Pisortani Digitalimik Allakkerinermi allagarsiat inummut takkuttut pineqartumit taamaallaat peerneqarsinnaapput.

Imm. 2. §§ 2-5imi malittarisassat malillugit Pisortani Digitalimik Allakkerinermut ilanngunnermit pisussaajunnaarsitsineq inuup digitalimik allakkerinerani allagarsianik piiaasoqassanngilaq.

Imm. 3. Inuup toqukkut qimagunnerani inuup digitalimik allakkerinerani allagarsiat imarisaasut namminerisamik ukiut 5-t qaangiuppata peerneqassapput, taamaattoq tak. imm. 4.

Imm. 4. Inuup imaluunniit inatsisit naapertorlugit ingerlatsiviup assersuutigalugu pigisanik agguaassisarnermut eqqartuussivikkut uppersarsarsinnaappagu toqukkut qimagunnerup kingorna toqusup pii sinnerlugit iliuuseqarsinnaalluni, kingusinnerusukkut imm. 3-mi aalajangersarneqartut saniatigut piiaanissamut noqqaassuteqarsinnaavoq.

Imm. 5. Kingusinnerusukkut piiaanissamut noqqaassuteqarneq www.sullissivik.gl-ikkut imaluunniit Digitalimik Sullissinermut Aqutsisoqarfimmut allakkatigut allagaqarnikkut saqqummiunneqassaaq. Uppersarsaat imm. 4-mi taaneqartoq ilanngullugu nassiunneqassaaq.

Kapitali 7

Atulersinneqarnera

§ 12. Nalunaarut atuutilerpoq tamanut saqqummiunneqarnerata aqaguani.

Imm. 2. Pisortani Digitalimik Allakkerinermut pinngitsoorani ilanngunneq atuutilerpoq 1. januar 2021.

§ 13. Pisussaajunnaarsitsinermut qinnuteqaat aamma atuarsinnaanermut qinnuteqaat atuutilerneraniit tunniunneqarsinnaapput, tak. § 12, imm. 1

Imm. 2. Pisortani Digitalimik Allakkerinermut pinngitsoorani ilanngunnissamut atuutilernissaa sioqqullugu pisussaajunnaarsitsinermut qinnuteqarneq, tak. § 12, imm. 2, pissaaq

1) ulloq 1. januar 2021-mi 30-t inorlugit ukiulinnut ulloq 31. oktober 2020-mi,

2) ulloq 1. januar 2021-mi 50-it inorlugit ukiulinnut ulloq 30. november 2020-mi aamma

3) ulloq 1. januar 2021-mi 70-it inorlugit ukiulinnut ulloq 31. december 2020-mi.

Namminersorlutik Oqartussat, ulloq 23. September 2020

Karl Frederik Danielsen

/

Karsten Peter Jensen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut